

ta, sexta, qua ratione licebit semper progredi, quoties calcu-
li usus requirit. Hæc scrupula vocant Græci λεπτα ἡ ἔξικοσα
πέντε, δέκα, τριτα, πεντα, τετρα, εκτα, & sic ulterius.
Prætulit autem reliquias numeris erudita, & ingeniosa antiqui-
tas sexagenarium ob eam causam, quia inter minores nullu-
alius adeo multiplices partes habet, scilicet, semissem, trientem,
quadrantem, sextantem, præterea partem quintam, cum decimam,
cum duodecimam, cum decimamquintam, cum vicesimam &
tricesimam. Nec solum partes seu gradus circuli velut
integra in minutissimas ac subtils. quasq; particulas sexagesi-
mas distribuimus, perpetua diuisione sexagenaria: verum ipsa
quoq; integra eodem sexagenario colligimus seu coagmenta-
mus, ut fiant sexagenæ vel ἔξικοτάς, ut 60. partes, id est, sex-
trans circuli, sunt una sexagena prima. Rursum 60. sexagenæ pri-
me partium, id est, decem integri circuli sunt una sexagena se-
cunda. Ad hunc igitur modum etiam in accumulandis seu coa-
ceruandis integris ascendere licebit, donec usus postulauerit.
Quemadmodum igitur naturalis numerorum series crescit in
infiniū, vel decrevit in unitatis vel adiectione vel abiectione: ita
species numerorum huius logisticæ perpetuo seruant eandem
speciem analogiæ, nempe sexagecuplam, ut una sexagena pri-
ma, est sexagecupla partis, una pars sexagecupla est unius scru-
puli primi, unum scrupulum primum sexagecuplum est unius se-
cundi scrupuli, et sic porro descendendo; vel econtra, sicut unum
scrupulum secundum sexagesimum est unius primi, ita unum
primum sexagesimum est unius partis, & una pars sexagesima
unius sexagenæ, & sic porro ascendendo donec libuerit.

Quantum autem sit compendij & facilitatis in calculo, ubi
vel natura vel arte talis specierum analogia constituta est, non
ignotum est eruditè versantibus in ea logisticæ, quam docti
Αριθμητική vocat, et postea adparebit in multiplicationibus
ac diuisionibus huius logisticæ. Qua in re illud etiam conside-
randum est, quam breuiter subtilissimæ minutissimæq; parti-
culæ totius enuncientur, ut unum scrupulum primum est una se-
xagesima particula partis unius tanquam integri, scrupulum
vero secundum, est una tricesima sexta particula centesimæ par-
tis unius seu gradus tanquam integri: Scrupulum autem tertium
est una ducentesima sedecima particula millesimæ partis
similiter unius. In hunc modum iuxta continuam progressio-
nem seu analogiam diuisionis sexagenarie, iudicandum est de-
reliquis

Numerus sexagenarius.

Sexagenæ.

S Y S T E M A
specierum huius
logisticæ.

Analogia sexagecuplæ ratio-
nis.

Utilitas huius
logisticæ.

Xiiii. 15. 11. 11.

f